

A U L I

(3)

PERSII FLACCI

SATYRÆ

In Vsum Scholæ Westmonasteriensis

LONDINI

excusæ typis ROGERI DANIELIS

Vicinales apud T. GARTHWAIT ad

Ostium minus Boreale Ecclesiæ S. Pauli

C I O I O C L V I

HERSHELL

SLYRE

In the year 1834

LONDON

Printed by H. K. D. D. D.

Printed by H. K. D. D. D.

Printed by H. K. D. D. D.

Printed by H. K. D. D. D.



A. PERSII FLACCI

V I T A

Ex Antiquorum monumentis.

Aulus Persius Flaccus, patre Flacco, matre Fulviâ, natus est Volaterris Hetruriæ oppido, Tiberii anno 22°, pridie nonas Decembris. Romam literarum causâ profectus, Palæmonem in Grammaticis, Virginium Flavium in Rhetoricis studiosè audivit. Sumptâ virili rogâ, in philosophiæ studiis Magistro usus est Cornuto: Cujus amicitiam per reliquum vitæ tempus religiosè coluit; eidemque moriens magnam pecuniarum vim, simul cum bibliothecâ suâ, testamento legavit. Amicos præterea habuit Macrinum ex ordine equestri, & poetas Lucanum & Bassum. Omnium verò sibi amorem conciliavit summâ vitæ integritate, & eximiâ tum formâ tum pudiciâ. Interiit stomachi vitio, ætatis anno undetrigesimo, Neronis Imperatoris nono, VIII. Cal. Dec.

4
TESTIMONIUM *de Satyris*
ejus in hac verba perhibet **QVINTI-**
LIANVS : Multum & veræ gloriæ
quamvis uno libro **PERSIVS** me-
ruit

MARTIALIS *itidem* :
Sæpius in libro memoratur **PER-**
SIVS uno.



AU.

Ne
Pra
Ele
Caf
Nar

5

A U L I
P E R S I I F L A C C I

in Satyras

P R O L O G U S.

NEc fonte labra prolui caballino,
Nec in bicipiti somniasse Parnasso
Memini, ut repente sic poëta prodirem.
Heliconidasque pallidasque Pyrenen
Illis relinquo, quorum imagines lambunt
Hederae sequaces: ipse semipaganus
Ad sacra vaturn carmen affero nostrum.
Quis expeditis psittaco suum Xaïra?
Corvos quis olim concavum salutare?
Picasque docuit nostra verba conari?
Magister artis, ingentique largitor
Venter, negatas artifex sequi voces.
Quod si dolosi spes refulserit nummi;
Corvos poëtas, & poëtrias picas
Cantare credas Pegaseum melos.

S A T Y R A I.



Curas hominum! ô quantum est in
rebus inane!

Quis leget hæc? min' tu istud ais? ne-
mo hercule. nemo?

Vel duo, vel nemo. turpe, & misera-
bile. quare?

Ne mihi Polydamas, & Troïades Labeonem
Prætulcrint. nugæ. non, si quid turbida Roma
Eleuet, accedas: examenve improbum in illa
Castiges trutina: nec te quæsieris extra.

Nam Romæ quis non? ah! si fas dicere. sed fas,

Tunc cum ad caniciem, & nostrum istud vivere triste
 Aspexi, & nucibus facimus quæcunque relictis :
 Cum sapimus patruos, tunc tunc ignoscite. nolo.
 Quid faciam ? sed sum petulanti splene cachinno.
 Scribimus inclusi, numeros ille, hic pede liber, (let.
 Grande aliquid quod pulmo animæ prælargus anhe-
 Scilicet hæc populo, pexusque, togaque recenti,
 Et natalitia tandem cum sardoniche albus,
 Sede leget celsa, liquido cum plasmate guttur
 Mobile colluerit, scortanti fractus oculo :
 Hic neque more probo videas, neque voce serena
 Ingentes trepidare Titos, & carmine rumpi.
 Tun' vetulæ auriculis alienis colligis escas ?
 Auriculis, quibus & dicas cute perditus, ohe !
 Quò didicisse, nisi hoc fermentū, & quæ semel intus
 Innata est, rupto jecore exierit caprificus ?
 En pallor seniumque ! O mores ! usque adeone
 Scire tuum nihil est, nisi te scire hoc sciat alter ?
 At pulchrum est digito monstrari, & dicier, hic est.
 Ten' cirtorum centum dictata fuisse
 Pro nihilo pendas ? Ecce inter pocula quærunt
 Romulidæ saturi, quid dia poemata narrent.
 Hic aliquis, cui circū humeros hyacinthina læna est,
 Rancidulum quiddam balba de nare locutus,
 Phyllidas, Hypsipylas, vatum & plorabile si quid,
 Eliquat, & tenero supplantat verba palato.
 Assensere viri : nunc non cinis ille poëtæ
 Felix ? nunc levior cippus non imprimit ossa ?
 Laudant convivæ : nunc non è manibus illis,
 Nunc non è tumulto, fortunataque favilla
 Nascentur violæ ? rides, ait, & nimis uncis
 Naribus indulges : an erit, qui velle recuset
 Os populi meruisse, & cedro digna locutus, (thus ?
 Linquere nec scombræ metuientia carmina, nec
 Quisquis es, ô, modo quem ex adverso dixeré feci,
 Non ego, cum scribo, si forte quid aptius exit
 (Quando hæc rara avis est,) si quid tamè aptius exit,
 Laudari metuam ; neque enim mihi cornea fibra est.
 sed recti finemque extremumque esse recuso.

Euge tuum, & belle. nam bellè hoc excute totum,
 Quid non intus habet? non hic est Ilias Atti
 Ebria veratro; non si qua elegidia erudi
 Dictarunt proceres, non quicquid denique lectis
 Scribitur in citreis. Calidum scis ponere fumen,
 Scis comitem horridulum trita donare lacerna;
 Et verum, inquis, amo; verum mihi dicito de me.
 Qui pote? vis dicam? nugaris, cum tibi, calve,
 Pinguis aqualiculus propenso sesquipede extet.
 O Jane! àtergo quem nulla ciconia pinxit;
 Nec manus auriculas imitata est mobilis albas;
 Nec linguæ, quantum sitiat canis Apula, tantum.
 Vos, ô patricius sanguis, quos vivere fas est
 Occipiti cæco, posticæ occurrere fannæ.
 Quis populi sermo est? quis enim, nisi carmina molli
 Nunc demum numero fluere, ut per lave severos
 Effundat junctura ungues? scit tendere versum
 Non secus, ac si oculo rubricam dirigat uno;
 Sive opus in mores, in luxum & prandia regum,
 Dicere res grandes nostro dat Musa poetæ.
 Ecce modò heros sensus afferre videmus
 Nugari solitos Græcè, nec ponere lucum
 Artifices, nec rus saturum laudare, ubi corbes,
 Et focus, & porci, & fumosa Palilia fœno;
 Unde Remus; sulcoque ærens dentalia, Quinti,
 Cum trepida ante boves dictatorem induit uxor,
 Et tua aratra domum liCTOR tulit. Euge poetæ.
 Est nunc Bryseï quem venosus liber Acci,
 Sunt quos Pacuviusque & verrucosa moretur
 Antiopa, ærumnis cor luctificabile fulra.
 Hos pueris monitus patres infundere lippos
 Cum videas, quærisne, unde hæc sarrago loquendi
 Venerit in linguas? unde istud dedecus, in quo
 Trossulus exultat tibi per subsellia lavis?
 Nilne pudet capiti non posse pericula cano
 Pellere? quin tepidum hoc optes audire, decenter?
 Fur es, ait Pedio. Pedius quid? crimina rasis
 Librat in antithetis, doctus posuisse figuras (pruris?
 Laudatur: bellum hoc. hoc bellum? an, Romule,

Men' moveat quippe? & cantet si naufragus, affem
 Protulerim? cantas, cum fracta te in trabe pictum
 Ex humero portes? verum, nec nocte paratum
 Plorabit, qui me volet incurvasse querela.
 Sed numeris decor est, & junctura addita crudis.
 Claudere sic versum didicit, Berecynthus Atys:
 Et qui cæruleum dirimebat Nerea delphin:
 Sic, costam longo subduximus Apennino.
 Arma virū: nonne hoc spumofum & cortice pingui,
 Ut ramale vetus prægrandi subere costum?
 Quidnam igitur tenefum, & laxa cervice legendum?
 Torva Mimalloneis impleunt cornua bombis,
 Et raptum vitulo caput ablatura superbo
 Bassaris, & lyncem Mænas flexura corymbis
 Evion ingeminat; reparabilis adsonat Echo.
 Hæc fierent, si virtutis vena ulla paternæ
 Viveret in nobis? summa delumbe saliva
 Hoc natat in labris, & in udo est Mænas, & Atys:
 Nec pluteum cædit, nec demorosos sapit ungues.
 Sed quid opus teneras mordaci radere vero
 Auriculas? vide sis, ne majorum tibi forte
 Limina frigescent. sonat hic de nare canina
 Litera. per me equidem sint omnia protinus alba.
 Nil moror. euge, omnes, omnes bene miræ eritis res.
 Hoc juvat: hic, inquis, veto quisquam faxit oletum.
 Pingue duos angues; pueri, sacer est locus; extra
 Mejite: discedo. secuit Lucilius urbem,
 Te Lupe, te Muti, & genuinum fregit in illis.
 Omne vaser vitium ridenti Flaccus amico
 Tangit, & admissus circum præcordia ludit,
 Callidus excusso populum suspendere naso:
 Men' mutire nefas? nec clā, nec cum scrobe? nusquā.
 Hic tamen infodiam; vidi, vidi ipse, libelle;
 Auriculas asini quis non habet? hoc ego opertum;
 Hoc ridere meum, tam nil, nulla tibi vendo
 Iliade: audaci quicunque afflate Cratino,
 Iratum Eupolidem prægrandi cum sene palles,
 Aspice & hæc, si forte aliquid decoctius audis,
 Inde vaporata lector mihi ferbeat aure.

Non

SATYRA II.

9

Non hic, qui in crepidas Grajorum ludere gessit
Sordidus; & lusco qui poscit dicere, lusce:
Sese aliquem credens, Italo quod honore supinus
Fregerit heminas Areti ædilis iniquas:
Nec, qui abaco numeros, & secto in pulvere metas
Scit risisse vafer, multum gaudere paratus,
Si Cynico barbam perulans Nonaria vellat.
His mane edictum, post prandia Callirhoën do.

SATYRA II.

HUunc, Macrine, diem numeram meliore sapillo;
Qui tibi labentes apponit candidus annos.
Funde merum Genio: non tu prece poscis emaci,
Quæ nisi seductis nequeas committere divis.
At bona pars procerum tacita libabit acerra.
Haud cuivis promptum est murmurque humilesque
susurros
Tollere de templis, & aperto vivere voto. (hospes.
Mens bona, fama, fides, hæc clare, & ut audiat
Illa sibi introversum, & sub lingua immurmurat, ô si
Ebullet patrui præclarum funus! & ô si
Sub rastro crepet argenti mihi seria, dextro
Hercule! pupillumve utinam, quem proximus hæres
Impello, expungam! namque est scabiosus, & acri
Bile tumet. Nerio jam tertia conditur uxor.
Hæc sanctè ut possas, Tyberino in flumine mergis
Mane caput bis terque, & noctem flumine purgas.
Heus age, responde (minimum est quod scire laboro)
De Jove quid sentis? est ne ut præponere cures
Hunc cuiquam? cuinam? vis Stajo? an scilicet hæres,
Quis potior iudex, puerisve quis aptior orbis?
Hoc igitur, quo tu Jovis aurem impellere tentas,
Dic agetum Stajo. pro Juppiter! ô bone, clamet,
Juppiter! at sese non clamet Juppiter ipse?
Ignovisse putas, quia, cum tonat, ocyus illex
Sulfure discutitur sacro, quam tuque domusque?
An quia non fibris ovium, Ergennaque jubente,
Triste jaces lucis, evitandumque bidental,
Idcirco stolidam præbet tibi vellere barbam

A 5

Jup-

Iuppiter? aut quidnam est? qua tu mercede deorum
Emeris auriculas? pulmone & lactibus unctis?
Ecce avia, aut metuens divum matertera, cunis
Exemit puerum, frontemque atque uda labella
Infami digito. & lustralibus ante salivis
Expiat, urentes oculos inhibere perita.
Tunc manibus quatit, & spem maeram supplice voto
Nunc Licini in campos, nunc Crassi mittit in aedes.
Hunc optent generum rex & regina; puella
Hunc rapiant; quicquid calcaverit hic, rosa fiat.
Ast ego nutrici non mando vota; negato,
Iuppiter, hæc illi, quamvis te albata rogarit.
Poscis opem nervis, corpusque fidele senectæ:
Esto age, sed grandes patinæ, tucetaque crassa
Annueri his superos vetuere, Iovemque morantur.
Rem struere exoptas cæso bove, Mercuriumque
Arcessis fibra: da fortunare penates,
Da pecus, & gregibus fortum. Quo, pessime, pacto;
Tot tibi cum in flammis junicum omenta liquecant?
Attamen hic extis, & opimo vincere farto
Intendit; jam crescit ager, jam crescit ovile,
Iam dabitur, jam jam; donec deceptus, & expes
Nequicquam fundo suspiret nummus in imo,
Si tibi crateras argenti, incusaque pingui
Auro dona feram, sudes, & pectore lævo
Excutias guttas, latari prætrepidum cor;
Hinc illud subiit, auro sacras quod ovato
Perducis facies: nam fratres inter ahenos,
Somnia pituita qui purgatissima mittunt,
Præcipui sunt, sitque illis aurea barba.
Aurum vasa Numæ, Saturniaque impulit æra,
Vestalesque urnas, & Tuscum fictile mutat.
O curvæ in terris animæ, & cælestium inanēs!
Quid juvat hoc, templis nostros immittere mores,
Et bona diis ex hac scelerata ducere pulpa?
Hæc sibi corrupto casiam dissolvit olivo;
Hæc Calabrum coxit vitiatum murice vellus;
Hæc baccam conchæ rasisse, & stringere venas
Ferventis massæ crudo de pulvere jussit.

Peccat & hæc, peccat ; vitio tamen utitur : at vos
 Dicite, pontifices, in sacro quid facit aurum ?
 Nempe hoc quod Veneri donatz à virgine pupæ.
 Quin damus id superis, de magna quod dare lance
 Non possit magni Messalæ lippa propago ?
 Compositum jus, fasque animi, sanctosque recessus
 Mentis, & incoctum generoso pectus honesto :
 Hæc cedò, ut admoveam templis, & farre litabo.

S A T Y R A I I I .

NEmpe hoc assidue ? jam clarum mane fenestras
 Intrat, & angustas extendit lumine rimas.
 Stertimus, indomitum quod despumare falernum
 Sufficiat, quinta dum linea tangitur umbra.
 En quid agis ? siccas insana canicula messes
 Iamdudù coquit, & patula pecus omne sub ulmo est,
 Unus ait comitum, verumne ? itane ? ocyus adsit
 Huc aliquis : nemon' ? turgescit vitrea bilis.
 Finditur ; Arcadiæ pectuaria rudere dicas.
 Iam liber, & bicolor positis membrana capillis,
 Inque manus chartæ, nodosæque venit arundo.
 Tum queritur crassus calamo quod pendeat humor ;
 Nigra quod infusa vaneſcat sepia lympa ;
 Dilutas, queritur, geminet quod fistula guttas.
 O miser, inque dies ultra miser ! huccine rerum
 Venimus ? at cur non potius, teneroque columbo,
 Et similis regum pueris, pappare minutum
 Poscis ? & iratus mamma lallare recusas ?
 An tali studeam calamo ? cui verba ? quid istas
 Succinis ambages ? tibi luditur ; effluis amens,
 Contemnere : sonat vitium percussa, maligne
 Respondet viridi non cocta fidelia limo. (acri
 Udum, & molle lutū es ; nunc nunc properandus, &
 Fingendus sine sine rota : sed rure paterno
 Est tibi far modicum, purum & sine labe salinum,
 (Quid metuas ?) cultrixque foci secura patella est :
 Hoc satis ? an deceat pulmonem rumpere ventis,
 Stemmata quod Tusco ramum millesime ducis,
 Censoremque tuum vel quod trabeate salutas ?

Ad populum phaleras : ego te intus , & in cute novi.
Non pudet ad morem discincti vivere Nattæ ?
Sed stupet hic vitio, & fibris increvit opimum
Pingue, caret culpa, nescit quid perdat, & alto
Demersus summa rursus non bullit in unda.
Magne pater divum, sævos punire tyrannos
Haud alia ratione velis, cum dira libido
Moverit ingenium ferventi tincta veneno ;
Virtutem videant, intabescantque relicta.
Anne magis Siculi gemuerunt æra juvenci ;
Et magis auratis pendens laquearibus ensis.
Purpureas subter cervices terruit ; imus,
Imus præcipites, quam si sibi dicat, & intus
Palleat infelix, quod proxima nesciat uxor ?
Sæpe oculos, memini, tingebam parvus olivo,
Grandia si nollem morituri verba Catonis
Discere, ab insano multum laudanda magistro ;
Quæ pater adductis sudans audiret amicis.
Iure etenim id summum, quid dexter senio ferret,
Scire erat in voto ; damnosa canicula quantum
Raderet ; angustæ collo non fallier oræ ;
Neu quis callidior buxum torquere flagello.
Haud tibi inexpertum est curvos deprendere mores,
Quæque docet sapiens bræcatis illira Medis
Porticus, insomnis quibus & detonsa juvenus
Invigilat, siliquis, & grandi pasta polenta.
Et tibi, quæ Samios diduxit littera ramos,
Surgentem dextro monstravit limite callem.
Sertis adhuc, laxumque caput compage soluta
Oscitat hesternum, dissutis undique malis :
Est aliquid quo tendis, & in quod dirigis arcum ?
An passim sequeris corvos, testaque, lutoque,
Securus quo pes ferat, atque ex tempore vivis ?
Helleborum frustra, cum jam cutis agra tumebit,
Poscentes videas ; venienti occurrere morbo.
Et quid opus Cratæo magnos promittere montes ?
Discite ô miseri, & causas cognoscite rerum :
Quid sumus ; aut quidnam victuri gignimur ; ordo
Quis datus ; aut metæ quam mollis flexus, & unde ;
Quis

Quis modus argento ; quid fas optare ; quid asper
Utile nummus habet ; patriæ, charisque propinquis
Quantum elargiri deceat ; quem te Deus esse
Jussit, & humana qua parte locatus es in re.
Disce, neque invideas, quod multa fidelia putet
In locuplete penu defensis pinguibus Vmbris,
Et piper, & pernæ, Marsi monumenta clientis,
Mænaque quod prima nondum defecerit orca.
Hic aliquis de gente hircosa centurionum
Dicat, quod satis est, sapio mihi ; non ego curo
Esse quod Arcesilas, ærumnosique Solones,
Obstipo capite, & figentes lumine terram,
Murmura cum secum, & rabiosa silentia rodunt,
Atque exporrecto trutinantur verba labello,
Ægroti veteris meditantur somnia ; gigni
De nihilo nihil, in nihilum nil posse reverti.
Hoc est quod palles ? cur quis non prandeat hoc est ?
Hos populus ridet, multumque torosa juvenus
Ingeminat tremulos naso crispante cachinnos.
Inspice, nescio quid trepidat mihi pectus, & ægris
Faucibus exuperat gravis halitus ; inspicere sodes ;
Qui dicit medico ; jussus requiescere, postquam
Tertia compositas vidit nox currere venas,
De majore domo modice sitiente lagena
Lenia loturo sibi Surrentina rogavit.
Heus bone, tu palles ; nihil est : videas tamen istud,
Quicquid id est : surgit tacite tibi lutea pellis :
Actu deterius palles ; ne sis mihi tutor ;
Jam pridem hunc sepeli, tu restas : pergo, tacebo.
Turgidus hic epulis, atque albo ventre, lavatur,
Gutturæ sulphureas lente exhalante Mephites,
Sed tremor inter vina subit, calidumque trientem
Excutit è manibus ; dentes crepuere resecti,
Uncta cadunt laxis tunc pulmentaria labris :
Hinc tuba, candelæ ; tandemque beatulus alto
Compositus lecto, crassisque lutatus amomis,
In portam rigidos calces extendit ; at illum
Hæsterni capite induto sublere Quirites.
Tange miser venas, & pone in pectore dextram ;
Nil

Nil calet hic : summosque pedes attinge, manusque;
 Non frigent : visa est si forte pecunia, siue
 Candida vicini subrisit molle puella,
 Cor tibi rite salit ? positum est argente catino
 Durum olus, & populi cribro decussa farina :
 Tentemus fauces ; tenero later ulcus in ore
 Putre, quod haud deceat plebeja radere beta.
 Alges, cum excussit membris timor albus aristas :
 Nunc face supposita fervere sanguis, & ira
 Scintillant oculi : dicisque facisque, quod ipse
 Non sani esse hominis, non sanus juret Orestes.

SATYRA IV.

Rem populi tractas ? (barbatum hoc crede magi-
 strum

Dicere, forbitio tollit quem dira cicuta.)
 Quo fretus ? dic hoc magni pupille Pericli.
 Scilicet ingenium, & rerum prudentia velox
 Ante pilos venit ; dicenda tacendaque calles.
 Ergo ubi commota ferver plebecula bile,
 Fert animus calida fecisse silentia turbæ
 Majestate manus : quid deinde loquere ? Quirites,
 Hoc (puro) non justum est, illud male, rectius istud.
 Scis etenim justum gemina suspendere lance
 Ancipitis libræ ; rectum discernis, ubi inter
 Curva subit, vel cum fallit pede regula varo ;
 Et poris es nigrum vitio præfigere thesa.
 Quin tu igitur summa nequicquam pelle decorus,
 Ante diem blando caudam jactare popello
 Desinis, Anticyras melior sorbere meracas ?
 Quæ tibi summa boni est ? uncta vixisse patella
 Semper, & assiduo curata cuticula sole.
 Expecta, haud aliud respondeat hæc anus : I nunc,
 Dinomaches ego sum ; suffula, sum candidus : esto ;
 Dum ne deterius sapiat pannucia Baucis,
 Cum bene discincto cantaverit oeyma vernæ.
 Ut nemo in sese tentat descendere, nemo :
 Sed præcedenti spectatur mantica tergo !
 Quæsieris : nostin' Vestidi prædia ? cujus ?

Dives

Dives arat Curibus, quantum non milyus oberret.
 Hunc ais? hunc, Diis iratis, genioque sinistro;
 Qui, quandoque jugum pertusa ad compita figit,
 Seriolæ veteris metuens deradere limum,
 Ingemir, hoc bene sit: tunicarum cum sale mordens.
 Cape, & farrata pueris plaudentibus olla,
 Iannosam faciem morientis sorbet aceri.
 At si unctus cesses, & figas in cute solem.
 Est prope te ignotus, cubito qui tangat, & acre
 Despuat in mores spurcæque opprobria vitæ.
 Quinque palæstritæ licet hæc plantaria vellant,
 Elixæque genas labefactent forcipe adunca;
 Non tamen ista filix ullo mansuescit aratro.
 Cædimus, inque vicem præbemus crura sagittis.
 Vivitur hoc pacto; sic novimus, ilia subter
 Cæcum vulnus habes; sed lato balteus auro
 Protegit: ut mavis, da verba, & decipe nervos,
 Si pores, egregium cum me vicinia dicar,
 Non credam: viso si palle, improbe, nummo,
 Si puteal multa cautus vibice flagellas;
 Nequicquam populo bibulas donaveris aures.
 Respue quod non es, tollat sua munera cerdo:
 Tecum habita, ut noris quam sit tibi curta supellex.

S A T Y R A V.

V Atibus hic mos est, centum sibi poscere voces,
 Centum ora, & linguas optare in carmina centū;
 Fabula seu mæsto ponatur hianda tragædo,
 Vulnere seu Parthi ducentis ab inguine ferrum.
 Quorsum hæc? aut quantas robusti carminis offas
 Ingeris, ut par sit centeno gutture niti?
 Grande locuturi nebulas Helicone legunt;
 Si quibus aut Prognos, aut si quibus olla Thyestæ
 Fervebit, sæpe insulso cœnanda Glyconi.
 Tu neque anhelanti, coquitur dum massa camino,
 Folle premis ventos; nec clauso murmure ræucus
 Nescio quid tecum grave cornicaris inepte:
 Nec scloppo rumidas intendis rumpere buccas.
 Verba togæ sequeris, junctura callidus acri,

Ore teris modico, pallentes radere mores
 Doctus, & ingenuo culpam defigere ludo.
 Hinc trahe quæ dicas; mensamq; relinque Mycenis,
 Cum capite & pedibus; plebejaque prandia noris.
 Non equidem hoc studeo, bullatis ut mihi nugis
 Pagina turgescat, dare pondus idonea fumo.
 Secreti loquimur; tibi nunc hortante Camœna
 Excutienda damus præcordia, quantaque nostræ
 Pars tua sit, Cornute, animæ, tibi, dulcis amice,
 Ostendisse juvat: pulsa, dignoscere cautus,
 Quid solidum crepet, & pictæ testoria lingua.
 Hic ego centenas ausim deposcere voces,
 Ut, quantum mihi te sinuoso in pectore fixi,
 Vocetraham pura; totumque hoc verba resignent,
 Quod latet arcana non enarrabile fibra.
 Cum primum pavido custos mihi purpura cessit,
 Bullaque succinctis laribus donata pependit:
 Cum blandi comites, totaque impune Suburra
 Permisit sparsisse oculos jam candidus umbo:
 Cumque iter ambiguum est, & vitæ nescius error
 Deducit trepidas ramosa in compita mentes,
 Me tibi supposui; teneros tu sulcipis annos
 Socratico, Cornute, sinu: tunc fallere solers
 Apposita intortos ostendit regula mores,
 Et premitur ratione animus, vincique laborat,
 Artificemque tuo ducit sub pollice vultum.
 Tecum etenim longos memini consumere soles,
 Et tecum primas epulis decerpere noctes:
 Unum opus, & requiem pariter disponimus ambo,
 Atque verecunda laxamus seria mensa.
 Non equidem hoc dubites, amborum fœdere certo
 Consentire dies, & ab uno sydere duci;
 Nostra vel æquali suspendit tempora libra
 Parca tenax veri, seu nata fidelibus hora
 Dividit in geminos concordia fata duorum;
 Saturnumque gravem nostro Jove frangimus una;
 Nescio quod, certe est quod me tibi temperat, astrû
 MILIA hominum species, & rerum discolor usus
 Velle suum cuique est, nec voto vivitur uno.

Mercibus hic Italis mutat sub sole recenti
Rugosum piper, & pallentis grana cymini:
Hic satur irriguo mavult turgescere somno:
Hic campo indulget: hunc alea decoquit: ille
In Venerem est putris: sed cum lapidosa chiragra
Fregerit articulos, veteris ramalia fagi;
Tum crassos transisse dies, lucemque palustrem,
Et sibi jam seri vitam ingemuere relictam.
At te nocturnis juvat impalescere chartis:
Cultor enim juvenum, purgatas inferis aures
Fruge Cleanthea: petite hinc juvenesque senesque
Finem animo certum, miserisque viatica canis.
Cras hoc fiet, idem cras fiet. quid? quasi magnum,
Nempe diem donas? sed cum lux altera venit,
Jam cras hesternum consumpsimus: ecce aliud cras
Egerit hos annos, & semper paulum erit ultra.
Nam quamvis prope te, quamvis temone sub uno
Vertentem sese frustra sectabere canthum,
Cum rota posterior curras, & in axe secundo.
Libertate opus est; non hac, qua, ut quisque Velina
Publius emeruit, scabrosum tesserula far
Possidet: heu steriles veri, quibus una Quiritem
Vertigo facit! hic Dama est non tressis agaso,
Vappa, & lippus, & in tenui farragine mendax;
Verterit hunc dominus, momento turbinis exit
Marcus Dama. papæ! Marco spondente, recusas
Credere tu nummos? Marco sub iudice palles?
Marcus dixit; ita est: assigna, Marce, tabellas.
Hæc mera libertas, hanc nobis pilea donant.
An quisquam est alius liber, nisi ducere vitam
Cui licet, ut voluit? licet, ut volo, vivere; non sum
Liberior Bruto? mendose colligis, inquit.
Stoicus hic, autem mordaci lotus aceto.
Hæc reliqua accipio: licet, ut volo, vivere, tolle.
Vindicta postquam meus à prætore recessi,
Cur mihi non liceat, jussit quodcunque voluntas;
Excepto, si quid Masuri rubrica vetavit?
Disce, sed ira cadat naso, rugosaque sanna,
Dum veteres avias tibi de pulmone revello.

Non

Non prætoris erat, stultis dare tenuia rerum
 Officia, atque usum rapidæ permittere vitæ:
 Sambucam citius caloni aptaveris alto.
 Stat contra ratio, & secretam gannit in aurem,
 Ne liceat facere id, quod quis vitiabit agendo.
 Publica lex hominum, natura que continet hoc fas,
 Ut teneat vetitos inscitia debilis actus.
 Diluis helleborum, certo compescere puncto
 Nescius examen; vetat hoc natura medendi.
 Navim si poscat sibi peronatus arator,
 Luciferi rudis; exclamet Melicerta, perisse
 Frontem de rebus. tibi recto vivere talo
 Ars dedit, & veri speciem dignoscere calles,
 Ne qua subtrato mendosum tinniat auro:
 Quæque sequenda forent, & quæ vitanda vicissim,
 Illa prius creta, mox hæc carbone notasti.
 Es modicus voti, pressio lare, dulcis amicis:
 Jam nunc astringas, jam nunc granaria laxes,
 Inque lato fixum poscis transcendere nummum,
 Nec alio scire salivani Mercuriæ.

Hæc mea sunt, teneo, cum vere dixeris; esto
 Liberque, ac sapiens, Prætoribus ac Iove dextro.
 Sin tu, cum fueris nostræ paulo ante farinæ,
 Pelliculam veterem retines; & fronte politus,
 A stutam vapido servas sub pectore vulpem:
 Quæ dederam supra, repero, funemque reduco.
 Nil tibi concessit ratio: digitum exere, peccas:
 Et quid tam parvum est? sed nullo thure litabis,
 Hæreat in stultis brevis ut semuncia recti.
 Hæc miscere nefas; nec, cum sis cætera fossor,
 Treis tantum ad numeros satyri moveare Bathylli.
 Liber ego: unde datum hoc sumis, tot subdite rebus?
 An dominum ignoras, nisi quem vindicta relaxat?
 I puer, & strigiles Crispini ad balnea defer,
 Si increpuit, cessas nugator? servitium acre
 Tenihil impellit? nec quicquam extrinsecus intrat,
 Quod nervos agitet? sed si intus, & in jecore agro
 Nascuntur domini, quæ tu impunitior exis,
 Atq; hic, quæ ad strigiles scutica & metus egit herilis?

Mane

Mane piger stertis ; surge, inquit Avaricia : eja
Surge : negas, instat ; Surge, inquit : Non queo. Surge.
En quid agam ? Rogitas ? En, saperdam advehe Ponto,
Castoreum, stupas, hebenum, thus, lubrica Coa :
Tolle recens primus piper è sitiente camelo :
Verte aliquid : jura : sed Iuppiter audiet. cheu.
Baro, regustatum digito terebrare salinum
Contentus perages, si vivere cum Iove tendis.
Iam pueris pellem succinctus & ænophorum aptas ;
Ocyus ad navem ; nihil obstat, quin trabe vasta
Ægæum rapias, nisi solers luxuria ante
Seductum moneat, quo deinde insane ruis ? quo ?
Quid tibi vis ? calido sub pectore mascula bilis
Intumuit, quam non extinxerit urna cicutæ.
Tun' mare transilias ? tibi tortæ cannabe fulto
Cœna sit in transtro ? Vejentanumque rubellum
Exhalet vapida læsum pice sessilis obba ?
Quid petis ; ut nummi, quos hic quincunee modesto
Nutrieras, peragant avidos sudare deunces ?
Indulge genio ; carpamus dulcia ; nostrum est.
Quod vivis : cinis, & manes, & tabula nes : (est.
Vive memor lethi, fugit hora : hoc, quod loquor, inde
En quid agis ? duplici in diversum scinderis hamo :
Hunc cine an hunc sequeris ? subeas alternus, oportet,
Ancipiti obsequio dominos, alternus oberres :
Nec tu, cum obstiteris semel, instantique negaris
Parere imperio, rupi jam vincula, dicas.
Nam luctata canis nodum arripit ; ast tamen illi,
Cum fugit, à collo trahitur pars longa catenæ.
Dave, cito, hoc credas, jubeo ; finire dolores
Fræveritos meditor ; crudum Chærestærus unguem
Abrodens ait hæc : an siccis dedecus obstem
Cognatis ? an rem patriam rumore sinistro
Limen ad obsecrum frangam, dum Chrysidis udas
Ebrius ante fores extincta cum face canto ?
Euge puer, sapias ; Diis depellentibus, agnam
Percute : sed censens pforavit, Dave, relicta ?
Nugaris ; solea, puer, objurgabere rubra.
Ne trepidare velis, atque arctos rodere casses,

Nunc

Nunt ferus, & violens: at si vocet, haud mora, dicas;
Quidnam igitur faciam? ne nunc, cum accersor, &
ultra

Supplicet, accedam? si totus, & integer illinc
Exieris, nunc nunt, hic hic, quem quærimus, hic est:
Non in festuca, listor quam jactat ineptus.
Ius habet ille sui, palpo quem ducit hiantem
Cretata ambitio? vigila, & cicer ingere large
Rixanti populo, nostra ut Floralia possint
Aprici meminisse senes: quid pulchrius? at cum
Herodis veneredies, unctaque fenestra
Dispositæ pinguem nebulam vomuere lucernæ,
Portantes violas; rubrumque amplexa catinum
Cauda natat thynni, tumet alba fidelia vino:
Labra moves tacitus, recutitaque sabbatha palles.
Tunc nigri lemures, ovoque pericula rupto,
Tunc grandes Galli, & cum sistro lusca sacerdos
Incussere Deos instantes corpora, si non
Prædictum ter mane caput gustaveris all.
Dixeris hæc inter varicosos Centuriones,
Continuo crassum ridet Vulpenius ingens,
Et centum Græcos curto centusse licetur.

S A T T R A VI.

A Dmovit jam bruma foco te, Basse, Sabino? (dat
Iamne lyra, & tetrico vivunt tibi pectine chor-
Mire opifex numeris veterum primordia vocum,
Atque marem strepitum fidis intendisse Latinæ,
Mox juvenes agitare jocos, & pollice honesto
Egregios luisse senes. mihi nunc Ligus ora
Intepet, hybernatque meum mare, qua latus ingens
Dant scopuli, & multa littus se valle receptat.
Lunæ portum est operæ cognoscere cives.
Cor jubet hoc Enni, postquam desterruit esse
Mæonides quintus pavone ex Pythagoræ.
Hic ego securus vulgi, & quid præparet Auster
Infelix pecori: securus, & angulus ille
Vicini, nostro quia pinguior: etsi adeo omnes
Ditescant orti pejoribus, usque recusem

Cur-

Carvus ob id minui senio, aut cœnare sine uncto,
 Et signum in vapida naso tetigisse lagena.
 Discrepet his alius: geminos, horoscopo, varo
 Producis genio: solis natalibus est qui
 Tingit olus siccum muria vaser in calice empta,
 Ipse sacrum iziorans patinæ piper: hic bona dente
 Grandia magnanimus peragit puer: utar ego, utar;
 Nec rhombos ideo libertis ponere lautus,
 Nec tenuem solers turdorum nosse salivam.
 Messè tenus propria vive; & granaria, fas est,
 Emole: quid metuas? occa; en seges altera in herba est.
 Ast vocat officium; trabe rupta, Brutia saxa
 Prendit amicus inops; remque omnem, surdaq; vota
 Condidit: Ionio jacet ipse in littore, & una
 Ingentes de puppe Dei; jamque obvia mergis
 Costa ratis laceræ: nunc & de cespice vivo
 Frange aliquid, largire inopi, ne piæus oberret
 Cærulea in tabula. sed cœnam funeris hæres
 Negliget iratus, quod rem curtaveris; urnæ
 Ossa inodora dabit; seu spirent cinnama surdum,
 Seu ceraso peccent casæ, nescire paratus.
 Tune bona incolumis minuas? sed Bestius urget
 Doctores Grajos: ita fit, postquam sapere urbi,
 Cum pipere & palmis, venit nostrum hoc, maris expertas
 Fœniseæ crasso vitiarunt unguine pultes.
 Hæc cinere ulterior metuas? at tu meus hæres
 Quisquis eris, paulum à turba seductior audi:
 O bone num ignoras? missa est à Cæsare laurus
 Insignem ob cladem Germanæ pubis, & aris
 Frigidus excutitur cinis, ac jam postibus arma
 Iam chlamydas regum, jam lutea gausapa captis,
 Effedaque ingentesque locat Cæsonia Rhénos.
 Dils igitur, genioque ducis centum paria, ob res
 Egregie gestas, induco; quis verat? aude:
 Vx, nisi connives. oleum, artocreasque popello
 Largior; an prohibes? dic clare. non adeo, inquis,
 Exossatus ager juxta est. age, si mihi nulla
 Iam reliqua ex amicitis, patruelis nulla, proneptis
 Nulla manet patruui, sterilis matertera vixit,

Deque avia nihilum superest; accedo Bovillas,
 Cūvumque ad Virbi: præsto est mihi Manius hzres,
 Progenies terræ. quære ex me, quis mihi quartus
 Sit pater? haud prompte, dicam tamen: adde etiam
 unum,

Unum etiam; terræ est jam filius, & mihi ritu
 Manius hic generis prope major avunculus exit.
 Qui prior es, cur me in decursu lampada possis?
 Sum tibi Mercurius, venio Deus huc ego, ut ille
 Pingitur: an renuis? vin' tu gaudere relictis?
 Dæst aliquid summæ: minui mihi, sed tibi totum est
 Quicquid id est, ubi sit, fuge quærere, quod mihi
 quondam

Legarat Stadius, neu dicta reponere paterna.
 Fœnoris accedat merces, hinc exime sumptus.
 Quid reliquum est? reliquum? nunc nunc impensius
 Vnge, puer, caules: mihi festa luce coquatur (unge
 Vrtica, & fissa fumosum sinciput aure,
 Vt tuus iste nepos olim satur anseris extis
 Patricio bona det seorto? mihi trama figuræ
 Sit reliqua? ast illi eremat omento popa venter?
 Vende animam lucro, mercare, atque excute solers
 Omne latus mundi, ne sit præstantior alter
 Cappadocas rigida pingues pavisse catasta.
 Rem duplica; feci: jam triplex, jam mihi quarto,
 Iam decies redit in rugam: depinge, ubi sistam,
 Inventus, Chrysispe, tui finitor acervi.

F. I N I S.